

Dragan Vrankić

Pitanja postavljena Vijeću ministara BiH:

1. „Šta Vijeće ministara BiH, odnosno Ministarstvo finansija i trezora BiH, odnosno Komisija za sukcesije, preduzima u vezi s pitanjem naplate klirinških potraživanja od Ruske Federacije, budući da je Bosna i Hercegovina jedina zemlja iz sastava bivše SFRJ koja nije riješila ovo pitanje?

Još 2003. godine potpisan je Memorandum između Ruske Federacije i zemalja sljednica bivše SFRJ o reguliranju uzajamnih finansijskih potraživanja po obračunima vezanim za robnu razmjenu između bivšeg SSSR-a i bivše SFRJ, prema kojem Bosni i Hercegovini pripada iznos od oko 125 miliona USD.

2. Sporazumom o pitanjima sukcesije, potpisanim u Beču 2001. godine, regulirano je da devizni računi koji se drže kod jugoslovenskih banaka za zajednička ulaganja u inozemstvu iznose 645,55 miliona USD, od čega Bosni i Hercegovini pripada oko 100 miliona USD.

Šta je do sada preduzelo Vijeće ministara BiH odnosno Ministarstvo finansija i trezora BiH, odnosno Komisija za sukcesije da se ovaj iznos naplati i da li je nešto od ovih sredstava iz „mješovitih banaka“ već naplaćeno, jer je riječ o znatnim sredstvima?“